

清·盧見曾撰

金山志

廣陵書社

金山志

金山志，一卷首 卷，清卢见曾撰。清乾隆二十七年（1762）雅雨堂刻本。卢见曾，字抱孙，号雅雨山人，山东德州人。康熙六十年（1721）进士，曾任江宁府知府，两淮盐运使。除此志外另有《出塞集》，还刻有《雅雨堂丛书》。金山古名氏父山，又名泽心山、龙游山等。山上有金山寺，建筑规模宏大，亭台楼阁依山而建，层层相接，故有「寺裹山」之说。

金山有志，始于明永乐年间僧惠凯之《金山志》，其后有明正德郝子高、释智宜、胡径同《金山志》，清康熙年间住持行海《金山龙游禅寺志》，寺僧明诠、实雄的《金山新志》，乾隆初刘名芳的《金山志》，此志作清乾隆年间，之后又有僧秋崖《续金山志》。

此志卷首列序、凡例、宸翰、金山图，卷 山水，卷 碑刻，卷三方外，卷四杂识，卷五至卷一艺文。

金山峙大江中樓觀之戢翬浮圖梵刹之縹緲與
夫高帆巨艦出沒下上蚤潮晚汐波濤濶中蛟魚
鼉鼉之游泳舞躍鐘唄之音漁榔之響煙雨晴霽
一日萬狀前人述之備矣六朝以前南北津渡上
自采石下由江乘而京口未當往來之衝故謝靈
運從游北固顏延年侍遊蒜山二詩皆無一語及
金山自唐齊澣移漕路於京口開伊婁河達揚子
縣瓜洲遂爲孔道金山之盛建置供登眺或者始
於此乎乾隆丙辰余自江右遷兩淮轉運使嘗弭
櫂一登迫於簡書未及遊覽亦謂此山近在數十

里無妨屢至者爾迺不數月罷去後雖數過而不得再登及起用畿輔忽忽遂十六年余則已老矣居恆輒悔前遊匆遽疑後此之難續仰荷

聖恩仍畀原任自癸酉重至廣陵恭逢

翠華兩幸江南金山爲

駐蹕之所葺治掃除實爲運司之職因得時時瞻仰

列聖

睿藻之焜煌

今上皇帝

奎章之鴻麗日月昭垂江山增勝游覽旣周吟詠間作

暇與丹徒蔣舍人宗海歙縣戴上舍震諮詢緇白
考求文獻幽巖斷碣無不搜剔輯成山志十卷以
備掌故庶幾傳諸寰寓副在山林已游者覺耳目
之增新未遊者幸崇深之若覩或亦志名勝者所
兼綜紀輿地者所不廢也顧余因之有感矣方余
之初至揚州也一登金山而不獲遊及去官頻過
其下而並不獲登余於山似寡緣者乃今遊憩其
間至歷九載之久且操鉛槧而從事於此書焉豈
初登山時所能預料者哉夫遊覽於吾身末矣而
莫之爲而爲者如是然則人生之出處遭際亦何

庸役役爲也況夫江山形勝與天地同其終始而
盛衰顯晦亦不能不隨時爲轉移又況人之居斯
世者耶乾隆壬午

賜進士出身兩淮都轉鹽運使司運使七十三歲老人
德州盧見曾謨

金山志

凡例

一金山舊未志明正德進士京口張萊始合焦
與北顧爲三山志筆殊雅潔而失之太簡後廬
陵胡經輯金山志則加蕪焉我

朝有釋行海志詳於釋而已無所發明也近聞人劉名
芳亦爲志務在增廣而訛舛愈多今取裁諸志
核證羣書補缺訂訛俾歸雅正

一金山自我

聖祖仁皇帝暨

皇上巡狩駐蹕詩文聯額翰藻輝煌恭錄卷首俾海內
人士均得誦讀瞻仰碑刻所在及收藏

御書

欽賜上方珍玩並詳悉登記永爲名山光寵

一金山屹立中流景分四面往來舟楫仰瞻峯巒
臺榭巍若仙居今每面各繪一圖先南次西次
北次東而山境備矣

行宮恭繪全圖從盤山志之例也

一名山最重古蹟然勝地顯晦有時寺宇之建置
尤今昔改易卽山僧亦多迷失其處今詳加證

驗備考興廢之由遺址確據則載明其地地未
詳者散錄本卷之末以不沒其名敘名勝以路
爲次自西而北便遊覽也

一碑刻所以徵信雖剝蝕殘闕好古者必辨晰不
遺文之工拙有不必深論者金山碑刻向逾千
數歷年已久存者寥寥今極力搜剔畚朽壤梯
懸厓仍得三百有奇倣顧炎武金石文字記體
例編爲一卷舊存今佚而典故攸關者亦仍登
載分別註明佳者選入藝文

一方外高僧資以點綴名山自不可少然志山別

於志寺有事蹟可傳者乃登之梵書僧錄各載
原文舊志所載上堂語錄及無稽之談概行屏
落

一 方言詩話佚事異聞既博洽所不廢亦吟咏所
兼資今總編雜識一卷上稽史乘旁采說部亦
各據原文采錄舊志不引用書名者補之傳寫
訛誤者更之荒誕已甚者刪之

一 各志內題咏記序多分註於山水建置之下其
無所專屬者始彙爲藝文一門然詩有兩勝對
舉爲一聯者則分屬爲雜記有一文而盡諸勝

者則割裂不免今總編藝文一卷先賦後詩及詩餘雜文各以類從又各以時代先後爲序

一舊志藝文有無關金山濫收者如黃庭堅落星寺詩元好問忻口南金山詩之類有時代誤者如不知明之史遷卽史良臣元之趙文昌卽趙西臯俱誤作宋人不知宋之陳軒卽陳元興誤作元人之類有名姓誤者如趙葵贈石牛上人詩誤作秦觀張翥寄卽休長老詩誤作薩都刺之類難更僕數大抵舊志或書名或書號或書謚不從一律沿襲旣久則舛錯益多志本史餘

概從書名之例

一金焦並峙而前賢題咏必先金而次焦亦多有遊金而不及焦者從水程之便爾今各爲一志如金焦行金焦遊記金志已收焦志卽不重錄如金山望焦山詩亦收金志自金山放舟至焦山詩則收焦志庶免繁複

一遊覽諸公與山僧贈答之作例應採錄然有一僧前後主數山者如宋之佛印元初主廬山歸宗時蘇軾官黃州往來諸札及怪石供等篇皆與金山無涉元之卽休了初主鶴林寺時薩都

刺官鎮江錄事酬答最夥舊志於題中增入金
山字者謬也今悉詳考年月先後以分去留
一唐宋元人題咏無多今悉據專集及諸家選本
搜錄雖載舊志而專集未見非姓名時代確有
依據則闕之明代及

國朝諸家題咏益富未見本集者卽就舊志石刻選入
至近時名作其人尙存者概不登集從昭明文
選之例也

金山志

目錄

宸翰

圖

卷第一

山水

建置

卷第二

碑刻

卷第三